

www.BibleForChildren.org

SAN MATEO 26




Kionga chaja
ngisa jon nixtjin
nga kjuechu s'i
pascua, Jesús ja'e
naxinanda Betania, ña
ndaba Lázaro xi kitsikja'aya
nganire ngajinre mik'en. 'Ba
'batsa'en María ja'eko je
mején masen litro nanda xi
ixi jen xi nardo 'mi, xi 'ñu nda 'ba xi
'ñu chji, xi 'estenjun ndsaku Jesús
'ba ndekuini ntsja ku kitsixijunkoni. 'Ba niki
ts'ajnda ngaya ni'yo ko jndare nandabiu.



'Ba Judas Iscariote, jngu xutare xi tejó, kikun ngakure na'miu tuxi singantsjanire Jesús. 'Ba kionga na'miu kjint'ere, se kuatsja=re, 'ba kitsure nga sjare ton. 'Ba Judas 'etuts'inre nga tsangisjai mé= fa chubá xi ngisa nda nga singantsja Jesús.



'Ba xutare kitsa'en xi kitsure, 'ba
'enda xi skine s'i pascua. 'Ba nga
inyakjen, Jesús kiskjebe niñuxtilo
'ba kionga je kitsjare kjuanda
Na'enchana, kitsijoya 'ba kitsjare
xutare, 'ba kitsure: —Chjubio 'ba
chino, kui=bi xi yojona.



'Ba kiskjebe=ni jngu chutsin 'ba
kionga je kitsjare kjuanda
Na'enchana, kitsjare xutare, 'ba
kitsu: —T'iu ngatsi'iu xi inya
chutsinbi. Ngat'a kui=bi xi jinna,
xi tse'e kjua xatse xi ti'bendakoni
Na'enchana ko xutare. Kui xi
tistenntjaire nkjin xuta, tuxi
kyachat'anire jere.




'Ba Jesús kitsu: —Simón, chanayi Satanás tsi'akjua nga k'uetsujmeyanu joni ko trigo. Tunga an je 'etsa_ṛa Na'enchana ngat'a tsiji, tuxi bi sichajani kjuamakjainri. 'Ba kionga kjua'e ngani ngixkuṇ, tisekue nts'é tuxi kixi kuinyantsjaini. 'Ba Simón kitsure: —Na'en, tjiingu takuṇ nga kjuikorṇ nduya 'ba ka'nda kueyakorṇ. 'Ba Jesús kitsure: —Pedro, an xinṛa, kionga kje kji'ndajín chaxicha nixtjin nganda'e, ji je ján ndiya kisji nga bi xutana kuáin.



'Ba Jesús echu ko xutare
jngu nga'nde ña Getsemani
'mi, 'ba kitsure: —Tetsubo
nga'e yejerañu
tefikjakuaa Na'enchana
kio yo. Kionga Jesús tifako
Na'enchana tsu: —Abbá
Na'en, ji xi mari ña'an yeje
tsajmi; tik'ejñat'axinnaa
kjuanimabi, tunga ngatjama
jotsa'en mejénri ji, 'ba bi
jotsa'en mejénna an.



Kui kjuañu Judas ja'eko yak'ani chasoldadu ko nchja xi tsikuenda ningu xi kitsikasen xi ngakure na'mi ko xuta fariseo xi ja'e nga ya'a ndi'i xi tsikjen aseti ko ndi'i xi s'ekuya 'ba ko kicha. 'Ba jngu xutare xi s'ejña kio yajare chu'ndare na'mi titjun, 'ba tsatet'a ñojon kixi. Tunga Jesús kitsu: —Je kuán nde. Bi 'ba ño'on. 'Ba kitsiko ñojon chu'ndabiu, 'ba kitsinda.



'Ba sa'e nchjabiu kitsuba Jesús 'ba kiko ndaba na'mi
titjun. 'Ba Pedro kjin tjenngire. 'Ba ngamasenre
ngandetsin ni'yabiu nchjabiu 'etse ndi'i 'ba
tsik'endundaire, 'ba
Pedro 'ba nde
tsik'ejñajinre
ngayeje.



'Ba jngu chu'ndare na'mi
titjun xi xinkjin mani xuta
xi Pedro tsatet'a ñojon 'ba
nde tsiningiyare: —¿A bi ko
ji tesenkue xutabiu nga
tsa'bera ngajaan, ña tjintje ya?
Tunga Pedro 'e'mota'en ngani.
'Ba ndekuini chubabiu kiski'nda
jngu chaxicha. 'Ba sa'e Pedro
'etju nga'ndebiu, 'ba 'ñu kiski'nda.




'Ba ngatsi'i xutaxa tsisetjen 'ba kiko
Jesús ngixkun Pilato, gobernador
tse'e Roma. 'Ba Pilato tsiningiyare
Jesús: —¿A ji= ni reyre xuta judío?
'Ba Jesús kitsingojore: —Ji je 'ba
kisji. 'Ba Pilato mejénre
nga sik'ejñandai Jesús,
kui kjua jako ngani
xutankjiun. Tunga xutankjiun
ngisa 'ñu kiski'ndaya, 'ba


kitsu: —¡Tjat'ai kru xutabiu!
¡Tjat'ai kru xutabiu!



'Ba 'batsa'en Pilato kitsingantsja
Jesús, tuxi s'et'ani kru, 'ba
nchjabiu kiko. 'Ba 'batsa'en
Jesús 'etju nga ya'anijin krure
nga kiji nga'nde xi nga'ndere
nindaku mik'en 'mi (xi Gólgota
'mi nga en hebreo).




Kio kiset'a kru kui ko kja'e ngisa jó
nchja. Jngu xi kiset'a kru ngate
kixire 'ba jngu ngate skjunre.



'Ba tsu'biu bi nde kji'yanire. 'Ba masen kitijndajen najñu
xi kitjenchja nga'nde xi 'ñu tsje tse'e ningu. 'Ba Jesús
'ñu kiski'ndaya, 'ba kitsu:

—Na'en, ngaya ndsai
te'bejñaḡ inimanaḡ. 'Ba
nga je 'ba kitsu, k'en.



'Ba kionga je tjima ngixun, ja'e Kuse
tse'e Arimatea. Kui= jngu ngakure
xuta xa xi 'ba nde tikuyare
nixtjin kionga kuatexuma
Na'enchana. 'Ba kui 'enere
yojore nga kikun Pilato
'ba tsi'are yojore
Jesús. 'Ba kio Kuse
tsatse jngu najñu
tjibe, 'ba ko

najñubiu


kitsik'atjijunni yojore
Jesús kionga je
ts'ajent'a kru. 'Ba jaskan
kik'eyanijin jngu tsju xi
tixa xi kuandat'a naxiu,
'ba kiskanitikja jngu
ndiojo tse xi
'extiuchjakoni tsju.




'Ba nga kuanyujun, kionga je ja'a nixtjin
nga s'enda mé= xi machjen s'i
pascua, xi ngakure na'miu
ko nchja fariseo kikun
Pilato, 'ba kitsure:

—Na'en, fa'etsjenni
nga 'bi kitsu xuta
ndesubiu nga tijña
ngisa: “Nga je kjue
ján nixtjin,
kjua'aya

nganina
ngajinre
mik'en.”




'Ba meni nchjabiu kiji 'ba 'enere sello
ndiojo xi tjichjakoni tsju 'ba kio
kitsikinyaxtiu chasoldadu.



'Ba kionga ja'a nixtjin nga nikja'aya, nga
tjis'e isen 'betuts'inre semana, María
Magdalena ko María xi ngijngu
kikutsejen tsju. 'Ba tukjia'a
kuán jngu chon xi 'ñu,
ngat'a jngu ankjere
Na'enchana
jendejenni ngank'aa
nga ja'ekja'axin
ndiojo xi

tixtiuchjákoni
tsju 'ba kio
tsik'ejñasun. 'Ba
chasoldadu 'ñu
kitsakjun nga tsabe
ankjebiu. Se jatse=
'ba joni xi jesun
tsa'en kis'endu.




'Ba meni ankjebiu kitsure yanchjinbiu:
—Bi kun. 'Beña nga Jesús xi kiset'a
kru teminyisjo. Bi nde nga'e
tijñani, je ja'aya nganire
ngajinre mik'en jotsa'en
nga kitsu. Ndechutsijon
nga'nde ña kis'ejña.



'Ba ta'afani 'etju yanchjinbiu ña tijña tsju,
inyatsakjukoni 'ba nde 'ñu tsja
titsubakonire ngayeje. 'Ba tu
mangatsanga nga kike'ere nijmi
xutare Jesús. 'Ba nga inyafi, kio
kisatejin Jesús 'ba kitsite'ndare.
'Ba kitsitiñat'are 'ba kitsubakja
ndsaku nga kitsichjire.






'Ba jaskan tuchan Jesús kitsitsejen nganire yojore ngatejngu xutare, yejerañu tjindut'a yamixo; 'ba Jesús jatiko ngat'a bi kuakjainre 'ba titsujñu ngisare, ngat'a bi kuakjainre mé= xi ye'ere nijmi xuta xi ja'ba je tsabe nga ja'ayare kui. 'Ba jaskan nga Na'enna Jesús jako xutare, tsijin ngank'aa, 'ba ngate kixire Na'enchana tsik'ejña.



'Ngat'a Na'enchana 'ñu= kitsimején xuta
tse'e ngasun'ndio ka'nda kitsja Ki'ndi
jngututure, tuxi ngatsi'i xi kuakjainre
ngat'are kui bi chajani, tusa s'ere
kjuabenichun xi bi fet'a.



54



60



ROMANOS 3:23

Ngatsi'i xuta tsajngi je 'ba kjin tjindu ngat'are kjuajere Na'enchana.

ROMANOS 6:23

Ngat'a chji xi tsja jio, kjuabeya. Tunga Na'enchana tsja kjuatjo nga k'uendukunntsjai xuta nga tujngu ko Na'enna Jesucristo.

HEBREOS 9:27

'Ba jotjin nga ngatsi'i xuta tjinnere nga jngu ndiya kueya sa, 'ba jaskan kju'a'e nixtjin nga kuanre kju'a,



EFESIOS 2:8,9

Tu ngat'are kjuandare Na'enchana nga kjinik'anginu, ngat'a kuakjainnu ngat'a tse'e Cristo. Bi jun xi kjinik'angiu yojonu, Na'enchana xi kitsa'en kjuandabiu. Bi ngat'are nga nda kjiña'an nga kjinik'angina, tuxi tu'yá kuan nk'a k'uaxjeni yojore.

ROMANOS 10:9,10

Ngat'a tsa ko ndsu'bai sikixiye nga Jesús= xi Na'enna, 'ba tsa ko ngayéje inimari kuakjainri nga Na'enchana kitsikja'aya nganire ngajinre mik'en, k'uangi=ni. Ngat'a ko inimare xuta makjainnire 'ba makixi. 'Ba ko ts'a tsikixiya ngat'are Jesucristo 'ba 'bangi.



SAN JUAN 3:16,17

'Ngat'a Na'enchana 'ñu= kitsimején xuta tse'e ngasun'ndio ka'nda kitsja Ki'ndi jngututure, tuxi ngatsi'i xi kuakjainre ngat'are kui bi chajani, tusa s'ere kjuabenichun xi bi fet'a. Ngat'a Na'enchana bi kitsikasen Ki'ndire ngasun'ndio tuxi kuanejeni xuta. Tusa kitsikasen tuxi k'uangini ngat'are kui.

1 JUAN 5:11-13

Kui enbi xi kitsuyakixi Na'enchana, nga kitsjana kjuabenichun xi bi fet'a. 'Ba kisakuna kjuabenichunbi ña xi tu jngu makua Ki'ndire. 'Ba xi tijñajinre Ki'ndire Na'enchana, kui xi tjinre kjuabenichunbi. Tunga xi bi tijñajinre Ki'ndire Na'enchana, kui xi tsajainre kjuabenichunbi. Kitsi'indu_nuu kibi jun xi makjainnu ngat'are Ki'ndire Na'enchana, tuxi xiañu nga tjinnu kjuabenichun xi bi fet'a.



SAN MATEO 26-28; SAN LUCAS 22-24;
SAN JUAN 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Mazateco, Ayautla NT (vmy) ©2009, Wycliffe Bible
Translators, Inc. All rights reserved.

<https://live.bible.is/bible/VMYWBT/MAT/1>

©2026 Bible for Children, Inc.

www.M1914.org

www.bibleforchildren.org

